

Наврўзи олам муборак бўлсин, азиз Юртдошлар!

КУЧЛИ ДАВЛАТДАН — КУЧЛИ ФУҚАРОЛИК ЖАМИЯТИ САРИ



ЖАМИЯТ

№ 11 (647)
2019 йил
20 март,
Чоршанба

Ижтимоий-сиёсий газета 2006 йил 31 августдан чоп этила бошлаган www.jamiyatgzt.uz jamiyat@umail.uz

ЮРТДА НАВРЎЗ АНА ШУНДАЙ БОШЛАНДИ!



Эрталаб одатдаги-дек яхши кайфиятда ишга отландим. Кўчага чиқиб, кайфиятим янада кўтарилди. 10-15 чоғли кичкинтой ўғил қизлар қўл ушлашиб, баралла овозда баҳорий қўшиқлардан бирини айтиб кетишмоқда.

Атлас кўйлак, бошларига қийиқчалар ўраган, сочпопук, жамалаклар таққан қизалоқлар, беқасам тўн ва белбоғлар боғлаб олган, бошига ўзбегим дўпчиларини кийган болаларни кўриб, завқинг ошади. Уларга йўлдош бўлдим...

— Бугун мактабимизда Наврўз байрами бўляпти, — дейди болажонлар бараварига. — Шунга шеър ва қўшиқларимизни машқ қилиб кетяпмиз.

— Мен бугунги курашда барча тенгдошларимни енгаман, — дейди болаларнинг бири ғурур билан. — Чиллакни ҳам ҳаммадан зўр ўйнайман. Фақат Абдулла мен билан тенглашиши мумкин...

Ҳамроҳларимга қизиқиб, кетаверибман. Пойтахтимизнинг Шайхонтоҳур туманидаги 82-мактаб ҳовлисиғача борибман. Ҳамма ёқ байрамога безатилган. Гулчамбарлар таққан қизалоқлар бир томонда ўзбек халқ лапарларидан куйламоқда. Йигитчалар эса турли миллий спорт мусобақаларига киришган. Наврўзнинг энг беғубор таровати шу ерда — болалар нигоҳида акс этиб турибди.

— Ҳар йили баҳор байрамини мана шундай кўтаринки кайфиятда кутиб оламиз, — дейди мактаб директори Нодира Ҳасанова. — Кун давомида мактабимиз сайилгоҳга айланиб кетади. Қизининг Баҳорой, ўғлининг Бободехқон бўлганини кўргани келган ота-оналар ҳам байрамдан бирдек баҳраманд бўлади. Тўғриси, завқимиз тошиб, биз устозлар ҳам миллий ўйинлар ва лапар айтишувларига қўшилиб кетамиз.

Давоми 2-саҳифада ►►



**ДУНЁГА БЎЙЛАШИШ
БАХТИ**

Кўзларим хиралаша бошлаганини сезганимда, гўё олам торайгандек эди. Кўнглимга қил ҳам сиғмасди.

СИНОВЛАРДА ТОБЛАНГАН КУРАШ



ҚИСҚА
САТРЛАРДА
ЎҚИНГ!

18 март куни Ўзбекистон Республикаси Президенти «Эшитиш ва нутқида муаммоси бўлган шахсларни ижтимоий қўллаб-қувватлашга оид кўшимча чора-тадбирлар тўғрисида»ги қарорни имзолади.

◀ Бошланиши 1-саҳифада

ЮРТДА НАВРЎЗ АНА ШУНДАЙ БОШЛАНДИ!



Ҳа, азишлар шу кунларда юртимизнинг барча хулулида Наврўз салолари, куй-қўшиқлар, лапарлар янграмоқда. Турли маданий кечалар, байрам та-

юртимизга ташриф буюрган чет эллик меҳмонлар миллий қадриятларимиз намуналаридан баҳраманд бўлмоқда. Байрам муносабати билан берилган дам олиш кунлари эса меҳмонлар сонининг янада ортишини таъминлайди.

Тошкент шаҳар ҳокимлиги ташаббуси билан «Яшил ташаббус» акцияси ҳамда «Nashar week» экологик ҳафталиги ўтказилмоқда. Акция 25 мартга қадар давом этади ва унинг доирасида қарийб 500 мингга яқин мевали, манзарали дарахт кўчатларини ўтказиш белгиланган. Акцияда давлат идоралари, нодавлат ташкилотлар ҳамда фуқаролар иштирок этмоқда.

Кимдир кўчат ўтказди, кимдир экилган дарахтлар тагини юмшатиб, сув куйишга қарашди, бошқалар атрофни тозалаб, ободонлаштириш ишларига ёрдамлашди. Хуллас, юртда Наврўз ана шундай бошланди!

Нуриддин УБАЙДУЛЛАЕВ,
«Жамият» мухбири



бирлари, фестиваллар ўтказилмоқда. Ободончилик, кўкаламзорлаштириш ишлари авжга чиққан.

Пойтахтимизнинг ўндан ортиқ сайилгоҳларида ана шундай Наврўз тантаналари бошлаб юборилди. Хусусан, Амир Темуր хиёбониди ҳам байрам кайфияти ҳукмрон. Ўтовлар тикилган, кичик савло расталари ўрнатилган,

Зафарободда байрам!

Осмон кўзни қамаштиргудек ти-
ник. Ҳаво мусаффо. Уфқ
ортидан кўтарилаётган
кўшнинг заррин нур-
лари баҳорга интиқ озод
юртга қут-барака тила-
ётгандек. Ободликка
ястанган далаю боғлар,
гузарлар қалбларимиз-
га мунавварлик, ўзга-
ча сурур бахш этмоқда.
Кўчаларда катталар-
дан олдин байрамона
ясанган бахтиёр бола-
лар кўринади. Атрофни
уларнинг шўх-шодон
кулгуси безайди. Чунки
тантаналар, аввало, бо-
лажонларники!



Байрам дастурида дилга яқин куй-қўшиқлар, жажжи болажонлар ижросидаги дилбар рақслар, дорбо-
злар иштирокидаги саҳна кўринишлари, миллий ўйинларимиз намойиш этилди. Айниқса, Бухоро кўйриқчоқ театрининг «Буюк Ипак йўли» номли шоу-концерти томошабинлар томонидан илиқ кутиб олинди. Отагонлар ва ёш йигитлар ўртасида кураш мусобақаси ўтказилди. Голиблар эсдалик совғалари билан тақдирланди.



Конимех тумани Зафаробод шаҳарчасидаги 16-умумтаълим мактабида ўтказилган Наврўз байрами ҳам барчага баҳорий кайфият улашади.

Гулчеҳра ШОДМОНОВА,
Конимех туманидаги 16-умумтаълим
мактаби ўқитувчиси

Яқин-яқингача

Шифокорга деяр-
ли ишим тушган эмас.
Шиддат билан ўтиб бо-
раётган йиллар ўз ҳукми-
ни ўтказдими ёки кекса-
лик аломатими, кўзларим
хиралашганини сезмай
қолибман. Ахир, майда
ёзилган ҳарфларни ҳам
бемалол, қийналмай ўқий
олардим. Аммо қутилма-
ганда кўзимнинг хирала-
шиши мени саросимага
солиб қўйди.

Мана шу биргина дард орқали кўз касалликларини даволайдиган кўзлаб шифохоналарга бордим. Шифокорлардан касаллигим бўйича маслаҳатлар олдим. Очиги, шифохоналарда яратилган шароитларни кўриб, «қай бир касалхонада даволансам экан», деган ўй мени қийнади. Охири, Республика ихтисослаштирилган кўз микрохирургия марказини танладим.

У ерда илк учрашган инсоним шифокор Зафар Сиддиқов бўлди. Ўзини тутиши, беморларга бўлган илиқ муносабатидан ўз касбига фидойилиги, оққўнғил ва чин инсоний фазилатлар соҳиби эканлиги шундоққина билганиб турарди. Хуллас, даволаниш асносида Зафар Умаровичга янада меҳр қўйдим,

Дунёга бўйлашиш бахти



ихлосим ошди. У республикада биринчилардан бўлиб, катаракта касаллигида катаракта экстракцияси билан сунъий гавҳар имплантацияси, шох парданинг хиралликларида — донор шох пардани кўчириб ўтказиш (кератопластика), миопиярефракция аномалиясида радиал кератотомия жарроҳликлари каби замонавий юқори технологияли даволаш усулларини тиббиётга олиб кирган.

Марказда меҳнат жараёнининг тўғри йўлга қўйилгани, жарроҳлик амалиётида ва ундан кейин беморларга кўрсатилаётган тиббий муолажаларнинг мукамал тизимининг жорий этилгани боис бу ерда қанчадан-қанча умиди сўнган беморларга умид, кўз нуридан айрилганларга қайтадан нур инъом этилмоқда. Республикада катаракта касаллигини даволашнинг олтин стандарти — юмшқок интраокуляр линзалар имплантацияси билан фактозмүлсификация усули бу ерда энг кўп ва жаҳон стандартлари талаби даражасида амалга ошириляётган. Бугунги кунда Марказ Офталмологик ускуна ва дори воситалари бўйича дунё тан олган «Алкон» фирмасининг базавий клиникаси экан-

лигининг ўзиёқ унинг нуфузи қай даражада эканидан дарак.

Марказдаги иш юритиш усулларини кўриб, бутун биз дунёнинг ривожланган давлатлари қаторида эканимизга яна бир қарра амин бўлдим. Хусусан, иш жараёни тўлиқ компьютерлаштирилган. Россия, Германия, Ҳиндистон, Корея, АҚШ каби мамлакатлардаги турдош тиббиёт муассасалари билан интернет тизими орқали алоқа ўрнатилган. Ҳужжат топширишнинг электрон тизими йўлга қўйилган. Хуллас, беморлар сарсон-саргардон бўлиб хона-хона изгиб юрмайди.

Кўзи хиралашиб ёки умуман кўрмай қолган беморнинг кўзларига нур, дилга ҳузур, оиласига ҳаловат, ҳаётига ёрқинлик олиб кирган шифокорларга ҳар қанча таҳсин айтсак, шунча оз. Уларни эъзозласак арзийди. Дилшод Абдиназаров ҳам йилига 300 га яқин беморнинг оламини, ундаги ранглар жилосини, гўзаллик ва нафосатни ёрқин-

роқ кўриш, янада теранроқ англаш бахтини қайтараётган шифокорлардан. У иш жараёнида замонавий диагностика ва даволаш услубларини маҳорат билан қўллайди. Шу боис ҳам сунъий гавҳар имплантацияси, антиглаукоматоз жарроҳликлари, дакриоцисториностомия, қовоқ ва шиллик парда пластикаси ҳамда кўз касалликлари жарроҳлиги бўйича қатор ютуқларга эришган. Чет эллик ҳамкасблари ҳам унинг амалиётдан кенг фойдаланишади.

Кўзларим хиралаша бошлаганини сезганимда, гўё олам торайгандек эди. Кўнглимга қил ҳам сиғмасди. Худди эрта ё индин кўзларим буткул кўрмайдиган бўлиб қоладигандек кундан-кун умидсизланиб борардим. Аммо менинг кўзларим ҳам айнан Дилшод Абдиназаровнинг қўлидаги шифобахш тигдан нажот топди. Бутун олам кўз олдимида бутун гўзаллиги билан намоён. Қалбимда ижод завқи, яшаш иштиёқи янада кучайганини сезяпман. Бунинг учун ушбу Марказ шифокорларидан миннатдорман.

Яхши инсонларни дунёнинг устуни деймиз. Мана шу устулар бор экан, бугун бир-бирига меҳр улашувчи, яхшиликлар соғинувчи қалблар бор. Диллари дилларга пайванд эзгулик, умид уруғин сочувчи юраклар бор. Бўлмаса, сизу бизда оқибат, инсонийлик ва меҳр каби туйғулар бунчалар барқ урмаган бўларди.

Абдугани СУЛАЙМОН

Тошкент шаҳри Шайхонтоҳур тумани А.Навоий кўчаси 40 В уйда жойлашган «SHUTLE UZ» масъулияти чекланган жамияти ТУГАТИЛГАНИНИ МАЪЛУМ ҚИЛАДИ.

ЭЪЛОН



Тошкент яшаш учун энг арзон шаҳарлар рейтингиди учинчи ўринни эгаллади.

Шаҳримизни бирга «бузайлик»!

Сарлавҳани ўқиб, муаллиф бу орқали нима демоқчи, деган савол кўнгилдан ўтгандир. Хулоса қилишга шошилманг. Агар ёдингизда бўлса, бундан икки-уч йил аввал (эҳтимол ҳозир ҳам) пойтахтимиздаги кўчалар, бекатларда «Шаҳримизни бирга безайлик», деган сўзлар битилган баннерлар кўзга ташланарди. Афсуски, ҳозирда бу жумлаларнинг мазмуни ўзгарган кўринади.

Сир эмаски, бутун Ўзбекистон, айниқса, Тошкент чин маънода улкан бунёдкорликлар шаҳрига айланиб улгурди. Қай бир гўшага борманг, бир-биридан баланд, бир-биридан чиройли иншоотларнинг барпо этилаётганига гувоҳ бўласиз. Кўча ва хиёбонлар ранг-баранг тарзда безалган. Йўллар атрофида турфа гуллар қишин-ёзин кўзни қувнатиб туради. Сайилгоҳларда одамларнинг маданий ҳордиқ чиқариши учун ноанъанавий, бежирим ўриндиқлар ўрнатилган. Умуман, нафақат маҳаллий, балки хорижлик сайёҳлар сонини кўпайтириш, айниқса, Ўзбекистоннинг сайёҳлик салоҳиятини юксалтириш, туризм соҳасини янада ривожлантириш мақсадида кенг қўламли ишлар амалга ошириляпти. Бу эса ўзининг амалий натижасини бермай қолмаяпти. Хусусан, бетакрор юртимизга ташриф буюриб, унинг тарихий обидалари, гўзал манзараларини ўз кўзи билан кўриш истагида бўлганлар сони кун сайин ортиб бормоқда.



моқларда бу каби чорловга кўзи тушганлар сонини ҳисоблайверинг.


Туризмни ривожлантириш давлат қўмитасининг маълумотларига кўра, 2018 йилда юртимизга 5 миллионга яқин сайёҳ ташриф буюрган. 2019 йилнинг январь ва февраль ойларида Ўзбекистонга 831 мингга яқин меҳмон келган. Олдинда ҳали 10 ой борлигини инобатга олсак, ташрифчилар сони янада ортиб боришини изоҳлаш шарт эмас.

«Шаҳримизни бирга безайлик». Юқорида айтиб ўтганимдек, бу сўзларнинг маъно ва мазмуни бироз ўзгариб кетмоқда, назар

римда. Боиси яқинда Тошкент кўчаларини айланиб, нохуш бир «анъана»га гувоҳ бўлдим. Ҳа, у марказий бўлсин, хоҳ чекка-роқдаги кўчами, дегарли барида бир хил манзара. Йўл юзида ўрнатилган ўриндиқларнинг барчаси ёшларнинг «санъат асари»га айланган. Турфа шакллар, турли исм ва сўзлар. Уларнинг орасида севги мактублари-ю, беҳаё сўзларни ҳам учратасиз.

Бундан ташқари, йирик чорраҳаларда бунёд этилган кўприклар ёнида пиёдалар учун қурилган ер усти ўтиш жойларида ҳам аҳвол аянчли. Ўтиш йўлакларининг атрофи ойна билан ўралгани ўз номини тарихга «муҳрловчилар» учун жуда қўл келган. Ҳеч бир ойна йўқки, аслидагилек қолган бўлса. Шунингдек, айрим маҳаллаларда ҳудуд ҳақида маълумот бералиган темир устуналарга турли реклама ва эълонлар ёпиштириб ташланган бўлса, айримлари оёғидан шикаст егандай бир четта мунғайиб қолган.

Ўтган йили юртимизга кўшни республикадан ўз машинасида келган меҳмон билан суҳбатлашганимда, у пойтахтдаги йўллар жуда кенглиги ҳақида айтган эди. Бироқ йўл ўртасидан ўтган қувур қопқоқларининг баъзан паст, баъзида йўлдан жуда баланд экани ҳаракат учун ноқулайлик туғдирганини ҳам қўшимча қилганиди. Чиндан ҳам сайёҳнинг сўзларида жон бор. Айниқса, машиналар қатнови гавжум кўчаларда қувурлар тузатиладиган, қовланган жой текисланмай шу ҳолича қолдирилиши ҳам кўпчилик ҳай-



довчиларнинг кўнглини хира қилади.

Масалан, пойтахтимизнинг Чилонзор туманидаги Фарҳод ва Ширин чорраҳалари орасидаги йўл 3-4 ой аввал қовланиб, номигагина бекитиб қўйилди. Вақт ўтиши билан бу ерда каттагина чуқур пайдо бўлди. Шу ердан ўтган ҳар ўнта машинанинг 8 таси ана шу чуқурга тушмай қолмайди. Натижада кимдир гилдирак алмаштирган, бошқаси ҳушёрликни йўқотган.

Дарвоқе, кўчаларда ўрнатилган чиқинди қутилари сонини ҳам анча кўпайтириш керакка ўхшайди. Биргина пойтахтнинг Сайилгоҳ кўчаси бўйлаб айлансангиз, ҳар ерда турли идишлар, қоғоз бўлақларига кўзингиз тушари. Чиқинди қутилари тўлиб тошганидан одамлар қўлидаги чиқиндини дуч келган ерга ташлаб кетмоқда.

Эҳтимол, бу фикрларга кимдир арзимас ва майда камчилик сифатида баҳо беради. Балки шундайдир. Аммо унутмаслик керакки, ҳар қандай кичик муаммонинг олди олинмас экан, у йириклашиб бораверади. Охир-оқибат катта бир доғга айланади.

Ўзбекистонга келадиган сайёҳлар сонини ошироқчи эканмиз, аввало, ишни мана шундай кичик муаммоларга барҳам беришдан бошлаш керак. Улар қачонгача шаҳарнинг «юзи» бўлиб қолаверади?

Юрт ободлиги учун ҳар бир инсон ўз ҳиссасини қўшиши шарт. Шундай экан, айримларга қарата қўлингиздан бирор иш келмаса, ҳеч бўлмаганда борини ҳам йўқ қилманг, дегинг келадди.

Хайрулло АСТАНАҚУЛОВ,
«Жамият» мухбири

Кўнглингизни зиёрат қилгани келдим, ота!

Хаммининг ҳам энг яхши хотиралари болалик билан боғлиқ бўлса керак. Мен ҳам болаликни эсласам яна отамнинг елкаларида ўйнаганим, дунёга шу ердан назар солгим келади. Тўнғич фарзанд бўлганим учун кетма-кет синглим ва укам туғилгани, кўпроқ ишга буюрилганимни хотирлайман. Шунда отам менга айтилган ҳар бир ишни бирга бажарар, мени рағбатлантирар, елкасида кўтариб, ҳовли бўйлаб югуриб чиқар эди. Мен учун дунёнинг энг баланд нуқтаси эди бу елкалар. У ердан пастни томоша қилиш ойдан туриб ерни кузатаётгандек завқли эди. Илк бор мактабга олиб борган ҳам отам эди. Энг тақилоқ туфли меники эди чамамда. Ахир, ёнимда отам сумкамни кўтариб, қўлимдан тутиб кетаётган бўлса, мени умуман бошқа оламга олиб кираётган бўлса, яна баландроқ қадам ташлаб, туфлимнинг овозини намоён қилгим келарди.

Онам ҳам жуда оилапарвар аёл эди. Айниқса, касал бўлиб қолсак, ўзини буткул унутарди. Бу одати ҳалигача бор. Дунёнинг ҳамма нуқтаси боласининг соғайишига тўхтайдими онам учун. Менимча ҳамма оналар ҳам шундай. Бахтининг бутунлиги фарзандларининг камолига соғлиғига.

Оталар учун эса фарзандларининг улғайиши хавотирга тўла бўлар экан. «Нега кўнгирақ қилсам дарров олмадинг? Хавотир олдим. Қаердасан, қачон келасан, тинчмисан?...» отанинг саволлари ҳаминша ташвишли. Жавоблар қанча хотиржам қилмасин, кўнглининг бир четида ҳадик чироқ ёқиб тураркан. Айниқса, бобо-буви бўлгач, ташвишлар янаям гўзаллашиб, янаям каттарар экан. Фарзандларимни олиб ота уйимга борсам, мен улғайган елкаларни улар забт этишарди. «Бунингнинг тиши нега қорайди?», «Кичкинанинг кўзи қизарибди», синглим билан пойтахтда бир-биримизга яқин яшаганимиз учун унинг тинчлигини ҳам обдон сўрайди...

Мана, яна уйга кетяпман. Қизларим бобосини қандай «эритиш»ни, бувисини қандай «забт этиш»ни муҳокама қилиб, бижиллаб боришарди. Биламан, отам йўл бошида кутиб турибди. Онам кўлча нон ёпишти. Укам ва келин «тишининг қавағида» асраган неъматларни дастурхонга тўқияпти. Кенжатоғи синглим эса жиянлари

ёқтирилган ширинликлар пишпиряпти.

«Ота уйинг олдида бу дунё бир қўлмақча...» Шоирнинг шу сатрини эслаб, ҳўсиниб қўяман. Ҳозир болаларим отамни кўриб югуришади. Мен пешонамни тутаман. Бўзимда нимадир қалқийди. Соғинчми, изтиробми, билмайман. Бор эҳтиромимни қачонлардир ёзган шеъримни шууримда айлантириб ҳуморидан чиқаман...

*Мен – сизнинг ортингиздан шамолдек учган одам,
Ёнингизда бироз дам олгани келдим, ота!
Сиз – Ҳақнинг саройидан сайрга тушган одам,
Кўнглингизни зиёрат қилгани келдим, ота!*

*Ўзимни оқлагани гувоҳларим йўқ менинг,
Дунёсиде ёлғизман, паноҳларим йўқ менинг,
Соқдан тирноғимгача гуноҳларим кўп менинг,
Кўнглингизда ибодат қилгани келдим, ота!*

*Кўксимга қаердан бир тўқияпти бир ҳис,
Дунёнинг қувончлари пойингизда чўқар тиз,
Сизнинг энг бахтли ота, ўзимни энг бахтли қиз
Бўлишимни башорат қилгани келдим, ота!*

Башират ОТАЖОНОВА



Қибрай туманида янги, замонавий шароитларга эга кўп қаватли «Дўрмон» тураржой мажмуаси фойдаланишга топширилди.



Тошкент шаҳридаги «DENTAFILL PLYUS»

КОМПАНИЯСИ ЖАМОАСИ:

— Жамики ватандошларимизни дилларга хузур,
кўнгилларга ободлик, қалбларга меҳру оқибат уруғини сочувчи
Наврўз байрами билан табриклаймиз.

Яшариш айёми оилангизга бахт, омад ва хотиржамлик олиб келсин!

Фаровон турмушимиз абадий,
мана шундай севимли байрамларимиз боқий бўлсин!



«ЎЗДАВЭНЕРГОНАЗОРАТ»

инспекцияси жамоаси:

— Шундай бетакрор, дилбар фаслда бутун борлиққа тириклик
иниб, қир-адирлар, кўча ва хиёбонлардан уфураётган
кўклам нафаси кўнгилларга кўчаётган бир пайтда биз ҳам халқимизга
сифатли электр энергияси етказиб бериш ишларига
ҳисса қўшаётганимиздан мамнунмиз.

Юрт фаровонлиги, турмушимиз ободлиги йўлида
меҳнат қилаётган барча-барчани шарқона
Янги йил билан чин қалбдан қутлаймиз!

Меҳру саховат айёми НАВРЎЗ ҳар бир хонадонга, ҳар бир оилага эзгулик ва бахт улашсин!



Ўзбекистонда имконияти чекланган шахслар учун йўловчи вагонлари ишлаб чиқарилмоқда.

«Finland butter» хусусий корхонаси жамоаси:



— Бугун юртимизда баҳор нафаси дукмрон,
чунки бу фаслнинг илк ойида энг қадимий байрамларимиздан бири саналган
Наврўз айёми нишонланади.

Барчангизни ушбу айём билан чин юракдан муборакбод этамиз.

Дастурхонингиз тўкин-сочин бўлиб, рўзгорингиздан ризқ, барака аримасин.

Айни дамда барча соҳаларда жаҳон ҳамжамиятида муносиб ўрин ва
салоҳиятга эга бўлиб бораётган Ватанимиз янада гуллаб яшнайверсин!



Donna bilan
har qanday
nonushta
yoqimli
va sevimli



Mahsulot sertifikatlangan
"Finland Butter" XK xizmat ko'rsatadi

Хорижий инвесторлар иштирокидаги "Yangiyo'l yod'-toy" акциядорлик жамияти жамоаси



Юртимиз аҳлини беғубор
орзу-ниятлар айёми —
Наврўзи олам билан самимий қутлайди.
Наврўзнинг фараҳбахш сурури
кўнгицларимизни
йил давомида тарк этмасин.



КИСКА
САТЛАРДА
ЎҚИНГ!

Машхур ҳинд дизайнери Риту Бери Ўзбекистоннинг Ҳиндистондаги маданият туризми
элчиси этиб тайинланди.

СИНОВЛАРДА ТОБЛАНГАН КУРАШ

Ўзбекистон миллий ахборот агентлиги — ЎЗА сайтида ёзувчи Каримберди Тўрамуродовнинг миллий курашимизнинг жонкуяр тарбияotchиси, полвон Комил Юсупов ҳақидаги очерки берилди. Қуйида ушбу очеркни айрим қисқартириллар билан газетамизда ҳам чоп этишга қарор қилдик.



пионати ўтганидан кейин бир ой ичида дунёнинг 50 та давлатида Ўзбек кураши федерациялари очилди. Ана шундан кейингина давлат раҳбарлари Ўзбек курашига, унинг асосчиси ва раҳбарига ишонч билдирди ва ИКА ўзининг Бош қароргоҳига, ўз

бек курашининг обрўсини баланд қўтарди. 3-Жаҳон чемпионати ўз мамлакатиде ўтказиш истагида бўлган талабгорлар кўпайди. Анталияда ўтказилган Халқаро конгрессда Ўзбек кураши бўйича 3-Жаҳон чемпионати-га Венгрия мезбонлик қилди.

2001 йил Венгрияда ўтган Жаҳон чемпионати ҳам жуда юқори савияда ўтказилди, унга 50 га яқин давлатдан полвонлар ташриф буюришди. Венгрияда ҳам Ўзбекистон кунлари ташкил қилиниб, ўзбек палови дамланди, Ўзбекистон санъат усталари концерт беришди. Бу Жаҳон чемпионати ҳам эркаклар

бек халқининг тарихий мероси экани эътироф этилиб, бугунги кунда «кураш», «ҳалол», «таъзим», «тўхта» ва «ёнбош» каби атама-лар халқаро спорт дугати таркибидан мустақкам ўрин эгаллагани, 1998 йил 6 сентябрда таъсис этилган Кураш халқаро ассоциацияси бугун сайёра-мизнинг бешта қитъасидаги 129 та миллий федерацияни бишлаштиргани айтилди. Ўзбек кураши тарихда илк бор XVIII ёзи Осиё ўйинлари дастурига расман киритилгани, ИКА ва Ўзбекистон Республикаси келгусида Олимпия ўйинлари дастурига ҳам киритиш бўйича фаол талбирларни амалга ошираётгани айтилди. Шу билан бирга курашни янада ривожлантиришга тўсқинлик қилаётган камчиликлар ҳам кўрсатилди.

Бундан ташқари, Президент қарорида Ўзбекистон кураш федерацияси ва унинг бўлиналари фаолиятини мунтазам қўллаб-қувватлаш, шу жумладан, Кураш миллий спорт тури маркази биносини реконструкция қилиш ва моддий-техник жиҳозлаш учун ҳомийлик маблағларини жалб этиш, спортчилар ва мураббийларга тошшириладиган пул мукофотлари ҳамда қимматбаҳо совғалар кўринишидаги даромадлар даромад солиғидан озод қилиниши таъкилланди. Тегишли вазирликларга Ўзбек кураши бўйича ўтадиган Халқаро мусобақалар ҳамда турнирларни ўтказишда ёрдам бериш вазифаси юклатилди. Мана шундай юксак эътибор туфайли Ўзбек кураши янги бошқича кўтарилди ва маълум сабабларга қўра бироз муддат тўхтаб қолган барча мусобақалар, Халқаро турнирлар яна мунтазам равишда ўтказила бошланди.

Кунни кеча яна бир қувончли хабар олдик: Осиё Олимпия Қўмитаси Президенти Шайх Аҳмад ас Сабаҳ ИКА Президентига мактуб йўллаб, Хитойда ўтадиган XIX Осиё ўйинларида Ўзбек кураши бўйича ҳам мусобақалар ўтказилишини расман маълум қилди.

Умид қиламизки, Ўзбек кураши яқин орада Олимпиада ўйинлари қаторига ҳам кириди.

ҚАҲРАМОН КИМ?

Қаҳрамонлик — бошқалар журъат эта олмайдиган ишни бажаришда фанқулда катта бир жасорат кўрсатиш. Бу йўлда ҳеч нарсдан қўрқмаслик.

Қаҳрамон — бошқаларга эплаш имконисиз ёки ўта қийин бўлган ишни удалаган киши.

Қаҳрамон — халқи, миллати, Ватани учун мислсиз катта хизмат кўрсатган киши.

Чорак аср муқаддам фақат ўзбеки-нинг тўйларидеги уйналган кураш-ни дунё тан олган спорт тури сифатида жаҳон майдонига олиб чиққан, Ўзбек курашини бутун дунё полвон-лари шуғулланадиган спорт тури даражасига олиб чиққан, «Халол», «Ёнбош», «Чала» деган ўзбек сўзларини бутун дунёда жаранглаётганига, Осиё ўйинларида Ўзбек номининг абдий муҳрланишига сабабчи бўлган катта ташкилотчи, энгилмас полвон, том маънода айтсак, буюк жангчи — Комил Юсупов ҳақиқий қаҳрамон!

«Халқимиз узок келажакда эмас, бугун бахтли яшаши керак», деган эли Президентимиз. Комил Юсуповдек миллат фидойилари ҳам олис келажакда эмас, бугун, тирикчилигида ўз меҳнатлари самарасини кўриши, қадр топиши керак, эҳтиром кўриши керак, деб ҳисоблаймиз.

Кунни кеча яна бир қувончли хабар олдик: Осиё Олимпия Қўмитаси Президенти Шайх Аҳмад ас Сабаҳ ИКА Президентига мактуб йўллаб, Хитойда ўтадиган XIX Осиё ўйинларида Ўзбек кураши бўйича ҳам мусобақалар ўтказилишини расман маълум қилди.

байроғига эга бўлган Халқаро спорт ташкилотига айланди.

Комил Юсупов энди ташкилот ўз маблағини ўзи топиши учун «Бутунжаҳон Кураши ривожлантириш жамғармаси»ни тузишга бел боғлади. Халқаро Кураш академияси, Халқаро Кураш институтини ташкил этиш учун ҳаракат бошлади. Ўзбек кураши бўйича қитъавий конфедерациялар ташкил қилиш режаларини тузди.

Дунё тан олган спорт турлари бўйича Жаҳон чемпионатларининг бир нечаси бу спорт тури қайси давлатга тегишли бўлса, ўша давлатда ўтган. Комил Юсупов Ўзбек кураши бўйича Жаҳон чемпионатининг иккинчисиниёқ бошқа давлатда ўтказишга аҳд қилди. 2-Жаҳон чемпионати Европа қитъасида, Анталия шаҳрида бўлиб ўтди. 40 давлатдан келган полвонлар Ўзбек кураши бўйича бел олишди. Чемпионат доирасида илк бор Ўзбекистон кунлари ўтказилди. 500 кило-лик ўзбек палови дамланди. Ўзбекона дастурхон ёзилди. Ўзбекистон санъат усталарининг концерти мушакбозлик билан яқунланди.

Бирор спорт тури Олимпиада ўйинларига кириши учун бу спорт билан аёллар ҳам шуғулланиши шарт. Анталияда ўтган Жаҳон чемпионатида илк бор аёллар ўртасида ҳам Жаҳон чемпионати ўтказилди. Анталияда ўтган Жаҳон чемпионати ўз-

ва аёллар ўртасида бўлиб ўтди.

2002 йил Ўзбек кураши бўйича 4-Жаҳон чемпионати Арманистоннинг Ереван шаҳрида бўлиб ўтди. У энг кўп курашчи қатнашган чемпионат бўлди. Бу сафар ҳам эркаклар ва аёллар ўртасида жаҳон чемпионлари аниқланди.

ЎЗБЕК КУРАШИГА ЯНГИ НАЗАР, ЯНГИЧА ЭЪТИБОР

Ўзбек кураши Ўзбекистонни дунёга танитганини яхши билган, ўзи ҳам бу курашни яхши кўрган, Жиззах вилоятда ҳоким бўлиб ишлаганида дунёда биринчи бўлиб Ўзбек кураши мактабини очган, Бош вазир бўлиб ишлаган кезларида ҳам кураш бўйича ўтказилган талбирлар, мусобақаларни уюштиришга бош-қош бўлган Шавкат Мирзиёев Ўзбекистон Президенти этиб сайланган, бу спорт турига алоҳида эътибор қаратди. 2017 йилнинг 2-октябрида эса Ўзбек курашини янада ривожлантириш чора талбирлари тўғрисида Президент қарори эълон қилинди.

Ҳужжатда Ўзбек кураши асрлар давомида мардлик, бағрикенглик, олийжаноблик ва ҳалолликнинг тимсоли сифатида эъзозланиб келингани, у ўз-



ЎЗБЕК КУРАШИНИНГ ТУГИЛГАН КУНИ

1998 йил 6 сентябрь кунни бўлиб ўтган таъсис Конгрессида 28 давлатдан келган вакиллар иштирокида Кураш Халқаро Ассоциацияси (ИКА) ташкил этиш овозга қўйилди ва бир овоздан маъқулланди. Конгрессда ИКА президентлигига замонавий Ўзбек кураши асосчиси Комил Юсупов сайланди.

Шундай қилиб, мазкур сана Ўзбек кураши Халқаро спорт сифатида тан олинган кун — Ўзбек курашининг дунёга келган кунни бўлиб қолди.

Тарихдан маълумки, миллий спортини халқаро спортга айлантирган давлатлар учун энг камида 40-50 йил керак бўлган. Ўзбек кураши эса 7 йилда бу мартабага эришди — тўй кураши Ўзбек кураши бўлиб халқаро спорт турига айланди. Бу Ўзбек курашининг Ўзбеконна йўли бўлди. Бу Комил Юсуповнинг йўли эди.

БУЮК ОРЗУ ЙЎЛИДА

Комил Юсуповнинг эндиги орзуси Ўзбек курашини Олимпиада ўйинлари сафига киритиш. Бунинг учун Ўзбек кураши бўйича Жаҳон чемпионатларини ўтказиш, Олимпиада талабларига жавоб бера оладиган тартибларни ўрнатиш талаб қилинади. Бу иш эса ўз-ўзидан бўлмайди. Комил Юсуповнинг орзуларига Аллоҳнинг Ўзи йўл очди: дунёдан хушхабарлар кела бошлади: Америка қитъасидаги бир мамлакат — Боливияда Ўзбек кураши федерацияси очилди! Икки кун ўтиб, Ўзбек кураши федерацияси дзюдо ватани Японияда очилди!

Келаятган хушхабарлар унга далла берарди: Польша, Литва, Арманистон, Голландия, Россияда ҳам Ўзбек кураши федерациялари очилди.

Ўзбек кураши тарихидаги илк Жаҳон чемпионати катта шов-шув билан ўтди. Унга беш қитъанин 54 мамлакатидан полвонлар келди.

Ўзбек кураши бўйича Жаҳон чем-

Boeing 737 MAX учувчилари самолётни бошқаришни iPad ёрдамида ўргангани маълум бўлди. Боз устига, учувчиларга лайнернинг хусусиятлари ҳақида етарлича маълумот берилмаган.





Эзгулик ва боқий анъаналар элчиси
— Наврӯз байрами билан мамлакатимиз аҳлини
қизгин табриклаймиз.

Эл-юрт фаровонлиги йўлида
астойдил меҳнат қилаётган ватандошларимизга
улкан муваффақиятлар ёр бўлсин!



JOINT STOCK COMPANY

QOQONSPIRT

AKSIYADORLIK JAMIYATI

ҚИСКА
САТРАЛДАРДА
ЎКИНГ!

Ўзбекистон январь-февраль ойларида 1,2 миллиард долларлик олтин сотди.

Б-ХАВО	
22 март	+21 °C
23 март	+16 °C
24 март	+20 °C
25 март	+24 °C
26 март	+12 °C
27 март	+18 °C
28 март	+25 °C

ob-havo.uz сайтидан олинган.


ЖАМИЯТ
Муассислар:

Фуқаролик жамияти шаклланишни мониторинг қилиш мустақил институти.

Ўзбекистон Республикаси Президенти ҳузурдаги Давлат бошқаруви академияси.

Ўзбекистон Нодават нотижорат ташкилотлари миллий ассоциацияси.

Ўзбекистон Мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди.

Ўзбекистон Савдо-саноат палатаси.

«Маҳалла» хайрия жамоат фонди. Тадбиркорлар ва ишбилармонлар ҳаракати — Ўзбекистон Либерал-демократик партияси.

Ўзбекистон экологик ҳаракати. Ўзбекистон Республикаси Экология ва атроф-муҳитни муҳофаза қилиш давлат қўмитаси.

«Фуқаролик жамияти — Гражданское общество — Civil society» журнали.

Бош муҳаррир

Максуд ЖОНИХОНОВ

Таҳрир хайъати:

Рустам Комилов
 Рустам Қосимов
 Борий Алихонов
 Акмал Саидов
 Саид-Абдулазиз Юсупов
 Шавкат Жавлонов
 Руфат Нейматов
 Феруза Мирзақомилова

Газета таҳририятнинг компьютер бўлимида саҳифаланди.

«Шарқ» нашриёт-матбаа акциядорлик компанияси босмаҳонасида чоп этилди.

Манзил: Буюк Турон кўчаси 41. Буюртма рақами Г-314 Адади: 2504.

Жума куни чиқади. Қозғ бичими А-3, ҳажми 2 босма табоқ, Баҳоси келишилган нарҳда.

Газета Ўзбекистон матбуот ва ахборот агентлигида 2006 йил 0010-рақам билан рўйхатга олинган.

ISSN 2010-7722

Навбатчи: Хайрулло АСТАНАҚУЛОВ

Дизайнер: Бегали Эшонқулов

100000, Тошкент шаҳри Матбуотчилар кўчаси 32.

Маълумот учун телефонлар:
 (71) 233-72-77, 236-10-87,
 233-91-55

Реклама ва эълонлар учун:
 Электрон почта: jamiyat@umail.uz
 Газета индекси — 131
 «ЖАМИЯТ» дан олинган маълумотларда манба сифатида газета номи кўрсатилиши шарт.

ЎзА яқуни:
 Топширилган вақти: 18.15
 1 2 3 4 5



«Farg'onaazot»

акциядорлик жамияти

жамоаси:

— Қалбларимизни қувончга тўлдириб,
 юракларга эзгулик улашиб, юртимизга
 Наврўзи олам келди. У янги-янги изланишлар,
 интилишлар, ижодий парвозларга қанот бўлиши шубҳасиз.

Мана шундай дамларда барча юртдошларимизни
 ушбу қутлуғ айём билан самимий муборакбод этамиз!

Барча соҳалар қатори эришган натижаларимиз,
 ютуқларимиз ҳам кенгайиб, фаолиятимиз
 ривож топиб бораверсин!

